



Cúmprese un mes da denuncia dos veciños da parroquia que [atoparon totalmente estragados os petróglifos das Chans de Rapadouro e da Lapela](#)

. Sen embargo nin denuncia pública polo atentado patrimonial, nin iniciativa algunha se coñece do goberno de Nigrán para dotar de protección a estes xacementos de arte rupestre de Chandebrito.

Alcalde e concelleiras de Patrimonio e Cultura gardan silencio ante os feitos.

“Non temos novidade algunha nin da Consellería de Cultura da Xunta nin do Concello de Nigrán, a pesares de remitirle a denuncia por escrito tanto fisicamente como por correo electrónico” denuncia Carlos Gómez Costas, voceiro da Asociación Veciñal e Cultural

A desfeita dos petróglifos de Chandebrito recibe "silencio administrativo" como medida de protección.

Escrito por Redaccion @valminorinfo
Venres, 22 Agosto 2014 01:36

“Chandebrito 1807”, consultado por VM.info. Por riba, o colectivo preocupado pola impunidade dos autores do delito consultou á Dirección Xeral de Patrimonio, recibindo como resposta que “non había nada acerca do asunto, e que era moi complicado se non se ten pista algunha da autoría dos feitos”.



Todo segue igual nos xacementos deturpados.

“Os paneis informativos e os valos de protección destes petróglifos desapareceron do lugar sen que se repuxeran ”, sinala Carlos Gómez. E así [segue un mes despois, este espazo arqueolóxico](#) que agocha rochas gravadas de máis de 4000 anos de antigüidade así como outros bens de alto valor histórico e etnográfico e que c **ontaron cunha subvención de 150.000 euros con cargo aos fondos do programa Proder da Unión Europea para a súa musealización.**

O “silencio administrativo” do Concello de Nigrán.

“O Concello de Nigrán non se comunicou para nada con nós sobre este asunto, a pesares de enviar a denuncia ao rexistro xeral, e aos enderezos de correo das concellerías de Patrimonio Cultural e de Cultura e á secretaria do alcalde e ao grupo municipal do PP, polo que pensamos que lles dá un pouco igual ” denuncia Carlos Gómez. Engade que nin a Delegación Territorial da Consellería de Cultura nin a Dirección Xeral de Patrimonio tampouco se puxeron en contacto con eles nin saben si estiveron a visitar os espazos estragados.

O pleno de Nigrán rexistrou unha consulta ao alcalde no último pleno. A agrupación do PSOE no espazo de Rogos e Preguntas preguntoulle ao alcalde Alberto Valverde (PP) se podía informar sobre o acontecido en Chandebrito. Na sesión –cuxa acta aínda non está publicada na web do Concello de Nigrán- Valverde zanaxou o tema respondendo que o tema estaba en mans da Xunta de Galicia.

Os veciños están dispostos a pedir a intervención do Valedor do Pobo.

A Asociación ten pensado denunciar este tema ante outras instancias, *“primeiro porémonos en contacto coa Xunta e o Concello no mes de setembro e logo tomaremos as medidas que consideremos oportunas*

”, sinalan indignados dende o colectivo. Tampouco descartan pedir a intervención do Valedor do Pobo, “

pola indefensión que sufrimos por este e outros asuntos por parte da Administración

”. Aseguran non estar dispostos a que as administracións responsables “

pasen olímpicamente destes temas, sabendo ademais que estes bens gozan por lei da maior grao de protección legal ao ser considerados Bens de Interese Cultural (BIC)

”.

A desfeita dos petrógifos de Chandebrito recibe "silencio administrativo" como medida de protección.

Escrito por Redaccion @valminorinfo
Venres, 22 Agosto 2014 01:36

{jathumbnail off}